



ATASSUT

UPA14/18-1

Siverth K. Heilmann

16.12.2014

Siunnersuut: Ukiumut aningaasaqarfiusumut 2015-imut Inatsisartut aningaasanut inatsisigigallagassaannut allannguutit pillugit Inatsisartut inatsisaat.

(Ukiumut aningaasaqarfiusumut 2015-imut inatsisartut aningaasanut inatsisissaagallagaannut tapiliutit)

(Aningaasaqarnermut Aatsitassarsiornermullu Naalakkersuisoq)

ATASSUT-mit assut iluarisimaarparput Inatsisartut siuliisa Inatsisartuusimasut, qinersinissap suaarutigineqarnerata malitsigisaanik, 2015-mut Inatsisartut aningaasanut inatsisigigallagassaannik sukumiisumik pissutsinullu sanilliullugu pisariaqartitsinermit matussusiisumik aalajangersaasimmata.

Taamaattorli 2015-mut aningaasanut inatsisivissatut siunnersuummik piareersarluni suliarinnittoqarnissaanut piffissaq pisariaqarmat, ATASSUT-mit takusinnaavarput 2015-imut Inatsisartut aningaasanut inatsisigigallagaannut allannguutissaatut siunnersuummik Naalakkersuisut saqqummiussissallutik pisariaqartitsisut.

Matumani 2015-imut Inatsisartut aningaasanut inatsisigigallagaannut allannguutissaatut siunnersuutigineqartoq sukumiisumik misissorparput nalilersorlugulu, Aningaasaqarnermullu Naalakkersuisunngorlaap saqqummiussissummini oqaaserisai uteqqinngikkaluarlugit ATASSUT-mit siunnersuut akuersaarlugu taaseqataaffigissavarput.